

Sarkina Bt Mat Saad @ Shaari

From: Unit Komunikasi Korporat
Sent: Wednesday, July 25, 2018 3:48 PM
To: UUM - All Staff; UUM - All Students
Subject: Tarian Melayu Klasik Di Pentas IMT-GT



Unit Komunikasi Korporat
CORPORATE COMMUNICATION UNIT
Universiti Utara Malaysia

24 JULAI 2018 / 11 ZULKAEDAH 1439H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Pusat Budaya dan Seni

TARIAN MELAYU KLASIK DI PENTAS IMT-GT



UUM ONLINE: Karnival IMT-GT kali ke-20 yang sedang berlangsung di Universiti Teknologi Mara (UiTM), Perlis menjadi pentas untuk peserta dari Indonesia, Malaysia dan Thailand mengangkat budaya seni dan memperkenalkan tarian kebudayaan negara masing-masing.

Universiti Utara Malaysia (UUM) turut tidak ketinggalan mempersiapkan satu kumpulan tari bagi mempersembahkan tarian Cinta Sayang dan tarian Anak Bocek yang terdiri daripada penari-penari Kelab Tarian Bidasari, Pusat Budaya dan Seni (PBS).

Seramai 16 orang penari telah dipilih bagi menggalas cabaran untuk mengangkat nilai dan martabat kebudayaan dan kesenian Malaysia di mata dunia.

Persembahan yang memukau dan bertenaga ini juga merupakan hasil tunjuk ajar dan bimbingan Koreografer PBS, Jamil Mat.

Tarian Cinta Sayang dan Tarian Anak Bocek merupakan antara tarian Melayu klasik yang terkenal pada suatu ketika dahulu dan tarian ini merupakan sejenis tarian untuk bersukaria atau dijadikan sebagai tarian penyeri majlis.

Tarian Cinta Sayang ini berasal daripada satu tarian asli yang dikenali sebagai “Zikir Rahmat” yang terkenal di negeri Kedah.

Lazimnya tarian ini ditarikan serta dipersembahkan oleh nelayan-nelayan di utara Malaysia sebagai simbolik untuk menggambarkan suasana di mana keluarga para nelayan ini ingin mengucapkan selamat berlayar serta ingin mendoakan kesejahteraan dan keselamatan juga agar dimudahkan rezeki para nelayan tersebut.

Manakala tarian “Anak Bocek” yang membawa maksud anak ikan pula merupakan tarian yang mengisahkan tentang sekumpulan anak muda di kampung yang ingin ke laut menangkap ikan. Tarian ini merupakan tarian yang berasal daripada Negeri Sembilan.

Persembahan kebudayaan selama 10 minit tersebut telah diadakan dengan penuh gilang-gemilang dengan menyaksikan kesemua universiti membuat persembahan kebudayaan yang menarik perhatian para penonton.

Turut hadir memeriahkan majlis tersebut ialah Pengarah PBS, Huzaidy Hussain merangkap pengerusi IMT-GT kali ke-20 ini.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.